

COV LUS UAS PHEEJ NUG HEEV TXOG LUB NIAM TSWV YIM UAS NPAJ YUAV KHO TEJ VAJ TSE MUS LI TSIB LUB XYOOS TOM NTEJ NOV

Facilities Master Plan (FMP) yog dab tsi?

[Facilities Master Plan \(FMP\)](#) yog ib daim qauv uas qhia txoj hau kev rau Tsoom Fwv Tsev Kawm Ntawv Nroog Xees Phos (SPPS) paub tias yuav ua dab tsi thiab pib qhov twg ua ntej txog kev kho 72 lub tuam tsev thiab 465 ev kawj av rau 10 xyoo tom ntej nov (2016-2026). Daim FMP qhia SPPS kom txawj txiav txim siab rau qhov yog rau txoj kev siv nyiaj los kho cov tsev kawm ntawv kom sib txig sib luag thoob plaws rau hauv koog tsev kawm ntawv, rau lub caij uas cov tsev kawm ntawv yuav tsum hloov mus kom haum rau tub ntxhais txoj kev kawm.

Daim FMP yog tsim los ntawm tshaj li ib phav tus neeg lub tswv yim, xam tas nrho cov tub ntxhais kawm ntawv, cov tsev neeg, neeg ua hauj lwm thiab neeg zej zos, thaum lub Tsib Hlis 2014 mus txog rau lub Kaum Ob Hlis 2015. Cov tswv yim no pab tsim tau daim FMP – [Lub Zeem Muag, Hauv Paus](#), thiab [Tus Qauv](#). Txhua txhia lub tsev kawm ntawv mam tsim ib pab neeg los txheeb xyuas seb yuav kho qhov twg ua ntej tshaj nyob rau hauv lawv lub tsev kawm ntawv.

Cov tuam tsev txhawb tau tub ntxhais txoj kev kawm li cas?

Tsis yog cov tsev kawm ntawv yuav tsum sov, nyab xeeb thiab qhuav xwb, tiam sis yuav tsum txhawb tau ntau yam kev qhia thiab kev kawm tib si. SPPS cov tsev kawm ntawv mas 60 feem pua lub twb ua tau ntev tshaj li 60 xyoo lawm. Nws yog qhov tseem ceeb uas yuav tsum tau kho kom cov tsev kawm ntawv no hloov mus kom haum rau txoj kev qhia thiab kev kawm tam sim no. [Saib zaj yeeb yaj kiab ntev li 2-feeb nov kom to taub tias tej vaj tse muaj peev xwm txhawb tau ntau seem kev kawm li cas.](#)

Vim li cas kuv lub tsev kawm ntawv ho tsis nyob rau hauv daim ntawv teem caij nyoog npaj kho mus li tsib xyoos tom ntej nov? Kuv lub tsev kawm ntawv puas yuav muaj cib fim raug zwm rau daim ntawv teem caij kho ntawd?

Txawm hais tias ob peb lub tsev kawm ntawv, xws li nram no, tsis nyob rau hauv daim ntawv teev npaj txhim kho rau tsib lub xyoos tom ntej nov, los cov tsev kawm ntawv nov tseem yuav tau txais kev txhim kho, xws li kev ruaj ntseg thiab hloov tej twj kaw thiab yees duab tshiab hauv tsev kawm ntawv.

Thov nco ntsoov tias cov dej num uas teev tseg tias yuav ua mus li tsib lub xyoos tom ntej nov, ib xyoos twg pab [Facilities Master Plan Committee \(FMP-C\)](#) yuav muab coj los tham ib zaug kom txhob muaj tej yam uas tej zaum yuav cuam tshuam lub tswv yim npaj kho tej vaj tse.

Battle Creek Elementary
Central Senior High School
Eastern Heights Elementary
Four Seasons Arts+
Hazel Park Preparatory
J.J. Hill Montessori
Mississippi Creative Arts
Randolph Heights Elementary
Benjamin E. Mays IB World School (Rondo Complex)
Capitol Hill (Rondo Complex)

Thaum twg mam li kho kuv lub tsev kawm ntawv tiav?

Cov sij hawm npaj kho cov tsev kawm ntawv nyob rau ntawm nov.

Yuav ua li cas kuv thiaj pom cov kev npaj txhim kho kuv lub tsev kawm ntawv?

Cov qauv npaj txhim kho cov tsev kawm ntawv muaj nyob rau hauv [FMP qhov website](#).

Yuav ua li cas kuv thiaj muaj kev koom tes rau kuv lub tsev kawm ntawv tes num kho tsev kawm ntawv (FMP)?

Ib lub tsev kawm ntawv twg yuav muaj ib pab [School Design Committee](#) uas tus kws kos daim qauv ua vaj tse yog tus coj thiab saib xyuas kev kho vaj tse. Yog xav muab kev koom tes, hu rau tus thawj tom nej lub tsev kawm ntawv.

Tsoom Fwv Tsev Kawm Ntawv Nroog Xees Phos yuav muab nyiaj qhov twg los them tej kev kho vaj kho tsev nov?

Txhua txhia xyoo txij li xyoo 1989 los, cov tsav xwm tau pov ntawv pom zoo siv se tsev los mus kho tsev kawm ntawv. Txoj kev txiav se nov qhib txoj hau kev rau koog tsev kawm ntawv txiav se tsev los kho vaj tse kom cov tsev kawm ntawv zoo thiab pab tau cov tub ntxhais kawm ntawv raws li qhov tsim nyog. Cov tsav xwm mam txiav txim siab txiav se tsev raws li qhov uas tsim nyog rau txoj kev uas yuav kho tsev kawm ntawv rau txhua txhia xyoo uas yuav los tom ntej no.

Nyob rau hnuv Tuesday, lub Plaub Hlis tim 26, cov tsav xwm mam li txiav txim siab rau qhov kev kho vaj tse mus li tsib xyoos tom ntej nov. Yuav muab cov nyiaj kho tsev ntawm no coj mus ntxiv rau koog tsev kawm ntawv pob nyiaj txwm xyoo uas lawv tseem yuav npaj, ua ntej xyoo no tag.